

四庫全書

經部

欽定四庫全書

經部
三禮圖卷一

詳校官侍郎臣謝墉

給事中臣溫常綬覆勘

總校官編修臣王燕緒

校對官學正臣翁樹棠

謄錄監生臣虞奕綬

繪圖監生臣曹源崙

欽定四庫全書

經部四

三禮圖

禮類四 三禮總義之屬

提要

臣等謹按三禮圖四卷明劉績撰績字用熙號蘆泉江夏人宏治庚戌進士官至鎮江府知府是書所圖一本陸佃禮象陳祥道禮書林希亦考工記解諸書而取諸博古圖者為尤多與舊圖大異考漢時去古未遠車服禮器猶有存者

鄭康成圖雖非手撰要為傳鄭學者所為阮
譔夏侯伏朗張鎰梁正亦皆五代前人其時
儒風淳實尚不以鑿空臆斷相高聶崇義叅
考六本定為一家之學雖踵謬沿訛在所不
免而遞相祖述終有典型至宣和博古圖所
載大半揣摩近似強命以名其間疎漏多端
洪邁諸人已屢攻其失績以漢儒為妄作而
依據是圖殊為顛倒然所採陸陳諸家之說

如齊子尾送女器出於魏太和中犧尊純為
牛形王肅據以証鳳羽婆娑之誤齊景公器
出晉永康中象尊純為象形劉沔據以証象
骨飾尊之非蒲璧刻文如蒲荏數時穀璧如
粟粒其器出於宋時沈括據以正蒲形禾形
之謬此書並採用其說亦足以備一解至於
宮室制度輿輪名物凡房序堂夾之位騎較
賢藪之分亦皆一一分析不惟補崇義之闕

且以拾希逸之遺其他珽茶曲植之屬增舊
圖所未備者又七十餘事過而存之未始非
兼收並蓄之義也乾隆四十六年十月恭校
上

總纂官

臣紀昀 臣陸錫熊 臣孫士毅

總校官

臣陸費墀

欽定四庫全書

三禮圖卷一

三禮圖說

明 劉績 撰

三代制度本于義故推之而無不合自漢以來失其傳而率妄作間有微言訓詁者又誤遂使天下日用飲食衣服作止皆不合天人之流于異端矣績甚病之既註易以究其原又註禮以極其詳顧力于他經不暇故作

此圖以總之凡我同志留心焉則可以一貫矣勿泥舊說見舊是者今不復圖

禹貢五服方五千里

戎狄荒服荒服者王終王

蠻夷要服要服者貢歲貢

侯甸賓服賓服者享時享

邦外侯服侯服者祀月祀

五里百五里百五里百五里

荒服要服里百五里百五里

也八要治之服綏綏里百五

荒之而已也綏綏里百五里

不詳也綏綏里百五里

三百里三百里三百里三百里

三百里三百里三百里三百里

三百里三百里三百里三百里

三百里三百里三百里三百里

欽定四庫全書

三禮

二

周九服
方一萬里
倍焉服

方五百里甸服

方五百里男服

方五百里采服

方五百里衛服

方五百里蠻服

方五百里夷服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

方五百里蠻服

九州之外謂之蕃國世見各以所貢寶為贄

六歲一見貢貨物

五歲一見貢材物

四歲一見貢服物

三歲一見貢器物

二歲一見貢墳物

歲一見貢祀物

王歲

歲

歲

歲

歲

歲

歲

歲

歲

歲

歲

歲

歲

歲

歲

歲

歲

歲

周王畿方千里

周書乃作大邑成周于土
中城方千七二十丈郭方
七十二里南繁于洛水北
因于邠山以為天下之大
漕制邠甸方六百里圉西
土為方千里註西土岐周
通為所內
分為百縣縣有四郡郡有
四鄙大縣城方王城三之
一小縣立城方王城九之
一郡鄙不過百室以便野
事按郭方七十二里則四郊
止六十四里通郊通郭而
言

大都方千里都家聽其便訟之辭勝其刑之罪而重之有為疲於商

小都縣掌野各掌其民之民數料其成令三司而聽聽于朝

家邑鄭司農云掌三司至四百里大夫所食是也

六遂遂主掌四郊各掌其遠之民數而治
其成令三司而聽聽于朝

六鄉鄉掌閭里各掌其民之民
數而治之二司而聽聽于朝

王城凡九里旁三門閭
中九經九緯經塗九軌

凡門三塗旁子由右婦
人由左車中央左祖右

社面朝後市

百里為甸百里為甸郊
百里為甸郊

二百里為甸甸所為王治諸田四法皆此
甸所為王治諸田四法皆此

三百里為甸甸所為王治諸田四法皆此
甸所為王治諸田四法皆此

四百里為甸甸所為王治諸田四法皆此
甸所為王治諸田四法皆此

五百里為甸甸所為王治諸田四法皆此
甸所為王治諸田四法皆此

戴師掌任土之法以物事地授地職而待其政令

物如土

方之物區別也別土所宜而定制以侍其賦稅之式也

以廛里任國中之地

廛里市宅

分域限也居室相

以塲圃任園地

種草木果蔬屬曰圃李秋或有收者則集

為塲詩九月築塲圃是也乃園地所宜樊圃謂之園

以宅田士田賈田任近郊之

地

宅田凡人居城中者庶人在官者皆是也士田賈田所謂士工商家受田五口乃當農夫一人蓋士居學

而賈居市也三者在於國于近郊五十里之地為宜

以官田牛田賈田牧田任遠

郊之地

官田藉田類牛田供牲牢喪奠兵車之牛賈田賞賜之田即匪頒之式也牧田即芻秣之式也

故于遠郊百里之地為宜所謂百里之內以供官

以公邑之田任甸田

公邑之田地天

子使吏治之供廩服類
所謂千里之內以為御
以家邑之田任稍地
家邑大夫采地而有

宰也稍地三百
里于小邑為宜
以小都之田任縣地
小都卿之采地成都者七十里視伯

于縣地四
百里為宜
以大都之田任疆地
大都公之采地王子弟所食邑也百里視侯于

疆地五百里為
宜近王畿界也
凡任地國宅無征
國宅凡官所有宮室吏所治者
園廩

二十而一
中指國
近郊二十而三甸稍縣都皆無過十二

皆指園廩近輕而遠重也
唯其漆林之征二十而五
不分遠近而特重者以獲利之

多也
凡宅不毛者有里布凡田不耕者出屋粟凡民無職

事者出夫家之征以時徵其賦
毛桑麻也布帛也宅地不種桑麻出一里之布

鄭玄云廛城邑之居孟子所云五畝之宅樹之以桑麻者也王莽時城郭中宅不樹者為不毛出三夫之布是也田地不耕墾者出一屋之粟夫三為屋亦長一里也征亦布也夫家之征一夫受田成家口稅也如家三人二家五人家二人之家蓋民雖有七口六口五口之三等而皆受田百畝為夫也以屋粟証之百畝而出三百畝之粟則今出上地家三人之稅與小司徒所謂罰以屋孟子曰廛無夫里之布是也名因其類而重罰之以警戒驅之也先儒分夫家為二非也

閭師掌國中及四郊之人民六

畜之數以任其力以待其政令以時徵其賦凡任民任

農以耕事貢九穀

即太宰以九職任萬民一曰三農生九穀

任圃以樹事貢

草木

即二曰園圃毓草木

任貢以飭材事貢器物

即五曰百工飭化八材

任

商以市事貢貨賄

即六曰商賈
阜通貨賄

任牧以畜事貢馬獸

即四

曰數牧養
蕃鳥獸

任嬪以女事貢布帛

即七曰嬪婦
化治絲枲

任衡以山

事貢其物任虞以澤事貢其物

即三曰虞衡作山澤之
材但九職又有八曰臣

妾聚斂䟽材此不言者山澤足以
該之註䟽材百單根實可食者

凡無職者出夫布

九曰

開民無常職轉移執事此
云出夫布乃不執事者耳

凡庶民不畜者祭無牲不耕

者祭無盛不榘者無桴不蚕者不帛不績者不衰

衰布也凡

此皆罰其所
無以勗其業

按載師掌任地事則地無曠地閭師掌任

民力則民無游民先王所以治國中野外不過如此而

已但近郊則民廛在國民廛在田遠郊則民廛在野民廛在田故鄉大夫稱野自六尺以及六十有五同甸稱云甸地以外民廛在都鄙民廛在田殊耳變民言民異內外也民性情無知貌也載如冀州既載之載地有其事也閭謂民居于地上各為巷與五比為閭所指不同云凡邦國都鄙放此

六鄉圖

五家為比使之相保

謂比舍而保其行不為非也保猶任也

比長

五家下士一人

各掌其比之治五家相受相和親有臯

奇衰則相及

奇者常之反衰者正之反有臯奇衰則相及則使之相率而趨于相受相和親

之徙于國中及郊則從而授之

鄭氏曰徙謂不便其居也或中國之民出

徙郊或郊民入徙國中皆從而付所處之吏明無罪惡

若徙于他則為之旌節

而行之

徙于他謂出居異鄉也授之者有節乃速

若無授無節唯園土納

之

鄉中無授出鄉無節過所則呵問繫之園土考辟之也園土者獄城也獄必園者現主仁以仁心求

其情古之治獄憫而出之

五比為閭使之相受

謂宅舍有故相受寄托也閭里門也說文侶也二十五家相羣侶也

閭胥

每閭中士一人

各掌其閭之徵令以歲時各數其閭之

衆寡辨其施舍

施同弛按大司徒云舍禁弛力則弛暫時優免舍常例應免舍有常而施

無常鄭氏謂應復免不給繇役是也

凡春秋之祭祀役政喪紀之數聚

衆庶既比則讀法書其敬敏任恤者

祭祀謂州社黨祭族闕也役田

役也政若州射黨飲酒也喪紀人喪之事也四者及此皆會聚衆民因以誦法以勅戒之

凡事掌

其比觶撻罰之事

觶撻者失禮之罰也觶用酒其爵以兕角為之撻朴也

四閭為族使之相葬

謂百家相葬埋如同族然族類居也

族師

每族上士一人

各掌其族之戒令政事月吉

月朔一月之始也

則屬民而讀邦法書其孝弟睦婣有學者春秋祭脯

亦如之

族長無飲酒之禮因祭脯而與其民以長幼相獻酬焉

以邦比之法帥

四閭之吏以時屬民而校登其族之夫家衆寡辨其

貴賤老幼廢疾可任者及其六畜車輦

登成也定也

五家

為比十家為聯五人為五十人為聯四閭為族八閭

為聯使之相保相受刑罰慶賞相及相共以受邦職

以役國事以相葬埋若作民而師田行役則合其卒

伍簡其兵器以鼓鐸旗物帥而至掌其治令戒禁刑

罰

亦于軍因
為卒長

歲終則會政致事

五族為黨使之相救

謂五百家守望相
助也黨類助也

黨正

每黨下大
夫一人

各掌其黨之政令教治及四時之孟

月吉日

一時
之始

則屬民而讀邦法以糾戒之春秋祭禘

亦如之國索鬼神而祭祀則以禮屬民而飲酒于序

以正齒位一命齒于鄉里再命齒于父族三命而不

齒

按國索鬼神建亥之月大蜡也齒于鄉里以位尊
非鄉里則不相序也齒于父族位尤尊雖鄉里亦

不相序矣不齒則位極尊雖父族亦不相序
而特與為尊矣雖序齒而又有序位之義也凡其黨

之祭祀喪紀昏冠飲酒教其禮事掌其戒禁凡作民

而師田行役則以其法治其政事

亦于軍國為旅師

歲終則

會其黨政帥其吏而致事

歲終周建亥之月也

正歲屬民讀法

而書其道行德藝

舊註正歲謂夏之正月得四時之正以出教令者審也 吏人云正歲

十有二月令斬冰

以歲時涖校比及大比亦如之

五黨為州使之相賙

謂二千五百家賙給也說文州重州周統其旁國語羣聚而州處註

州聚也風俗通州疇也州有長使相周足也

州長

每州中大夫一人

各掌其州之教治政令之法正月之

欽定四庫全書

卷一

吉

周正月朔日也一年之始

各屬其州之民而讀法以考其德行

道藝而勸之以糾其過惡而戒之若以歲時祭祀州

社則屬其民而讀法亦如之春秋以禮會民而射于

州序凡州之大祭祀大祭皆蒞其事

大祭祀謂州社稷也大喪鄉老

大夫于是卒者也

若國作民而師田行役之事則帥而致之

掌其戒令與其賞罰

致之致于司徒也掌其戒令賞罰則是于軍因為師帥

歲

終則會其州之政令正歲則讀教法如初三年大比

則大較州里以贊鄉大夫廢興

五州為鄉使之相賓

謂二十五百家賓
典之鄉衆所向也

鄉大夫之職

每鄉卿
一人

各掌其鄉之政教禁令正月之

吉受教法于司徒退而頒之于其鄉吏

州長
以下

使各教

以其所治以攷其德行察其道藝以歲時登其夫家

之衆寡辨其可任者國中自七尺以及六十野自六

尺以及六十有五皆征之其舍者國中貴者賢者能

者服公事者老者疾者皆舍以歲時入其書

謂年三十
六十

謂年十五國中晚稅而早免之以其所居復多役少
野早賦稅而晚免之以其服少役多鄭司農云征之

欽定四庫全書

卷一

者給公上事也舍者謂有服除舍不收役事也貴者謂若今宗室及闕內諸侯皆復也服公事者謂若今吏有復除也老者謂若今八十九十復三年則大比

羨卒也疾者謂若今瘡不可事者復之

三年則大比

攷其德行道藝而興賢者能者鄉老及鄉大夫帥其吏與其衆寡以禮禮賓之厥明鄉老及鄉大夫羣吏獻賢能之書于王王再拜受之登于天府內吏貳之

天府掌祖廟之寶藏者內吏副寫其書者當詔王爵祿之時

退而以鄉射之禮五

物詢衆庶一曰和二曰容三曰主皮四曰和容五曰

興舞

詳見後

此謂使民興賢出使長之使民興能入使

治之

言是乃所謂使民自舉賢者因出之而使之長民教以德行道藝于外也使民自舉能者因入之

而使之治民之貢賦田役之事于內也言為政以順民為本也

歲終則令六鄉之吏

皆會政致事正歲令羣吏攷法于司徒以退各憲之

于其所治之國大詢于衆庶則各帥其鄉之衆寡而

致于朝國有大故則令民各守其閭以待政令以旌

節輔令則達之

民雖以微令行其將之者無節則不得通

六遂圖

送人掌邦之野以土地之圖經田野造縣圖形體之法五家為鄰五鄰為里四里為

鄰五鄰為鄙五鄙為縣五縣為遂皆有地域溝樹之則遂稱縣鄙稍稱家邑縣都稱都鄙邦國都鄙

稍甸郊里之地
城故縣師云掌

五家為鄰

居左右鄰
次贊相也

鄰長

五家則一人
註不命之士

宰相紀相受凡邑中之政相贊從

于他邑則從而授之

按鄰長同此
長餘放此

五鄰為里

謂二十五家行其
秋散使有條理也

里宰

每里下
士一人

掌比其邑之衆寡與其六畜兵器治其

政令以歲時合耦于勑以治稼穡趨其耕耨行其秩

敘以待有司之政令而徵斂其財賦

考工記曰郭廣
五寸二郭為耦

五鄣為鄙

如鄙我周邦之鄙五百家則成邑積而不散矣

鄙師

每鄙上士一人

各掌其鄙之政令祭祀凡作民則掌其

戒令以時數其衆庶而察其微惡而誅賞歲終則會

其鄙之政而致其事

五鄙為縣

懸也二千五百家既眾則懸于上隨其移不定也

縣正

每縣下大夫一人

各掌其縣之政令徵比以頒田里以

分職事

徵召也比紫比

掌其治訟趨其掾事而賞罰之若將

用野民師田行役移執事則帥而至治其政令既役

則稽功會事而誅賞

五縣為遂

直達也萬二千五百家可以四達無阻矣

遂大夫

每遂中大夫一人

各掌其遂之政令以歲時稽其夫

家之衆寡六畜田野辨其可任者與其可施舍者以

教稼穡以稽功事掌其政令戒禁聽其治訟令為邑

者歲終則會政致事正歲簡稼器修稼政

簡猶閱也稼器耒耜

鑑基之屬稼政孟春之月令所云皆修封疆審端徑術善相丘陵阪險原隰土地所宜五穀所殖以教道

民必躬親之

三歲大比則帥其吏而興眊明其有功者屬

其地治者

興吐舉民賢者能者如六鄉之為也興猶舉也屬猶聚也又因舉吏治有功者而聚

勅其餘以職事凡為邑者以四達戒其功事而誅賞廢興之

按為邑即遠人造縣鄙形體之法也以四達凡道路皆通也猶言川上有路以達于畿藩註非

按鄉師正歲稽其鄉器比其吉凶二服閭共祭器族共喪器黨共射器州共賓器鄉共吉凶禮樂之器遂師不言者鄉近而遠遠也故大司徒大喪帥六鄉之衆庶屬其六引而治其政令遂人大喪帥六遂之役而致之掌其政令及葬率而屬六綽及窆陳役類是

也遂人之次有遂師猶小司徒之下有鄉師也

軍旅制

五

伍皆
有長

五

二十五人
百人

四

卒長

五

五百人
旅帥

五

二千五
百人師

五

萬二千
五百人

大國三軍

三萬七千
五百人

人

伍

中士

兩

皆上
士

卒

乃下
大夫

旅

帥皆中
大夫

師

將軍皆
命卿

次國二軍

二萬五
千人

為

為

為

為

為

為

小國一軍

一萬二十
五百人

伍

兩

卒

旅

師


軍

小司徒乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍

旅以作田役以此追胥以令貢賦乃均土地以稽其
人民而周知其數上地家七人可任也者家三人中
地家六人可任也者二家五人下地家五人可任也
者家二人凡起徒役毋過家一人以其餘為羨唯田
與追胥竭作大司馬凡令賦以地與民制之上地食
者參之二其民可用者家三人中地食者半其民可
用者二家五人下地食者參之一其民可用者家二
人按萬二千五百人為鄉為遂家起一人為軍則天

子可制十二軍而止為六軍魯三郊三遂可制六軍而止為三軍次國小國以是差之則先王不盡民力兵不盡行矣周書天道尚右日月西移地道尚左水道東流人道尚中耳目役事心吉事左還順地以利本武禮右還順天以利兵將居中軍順人以利陣

方百步為百畝



步百為畝橫一步直
百步畝百為夫橫直
皆百步匠人為溝洫
耜廣五寸二耜為耦
一耦之伐廣尺深尺
謂之畹田首倍之廣
二尺深二尺謂之遂
鄭氏曰古者耜一金
兩人併發之其壟中
曰畹畹上曰伐伐之
言發也畹畹也今之
耜岐頭兩金象古之
耦也田一夫之所佃
田百畝方百步地遂
者夫間小溝遂上亦
有徑

遂人辨其野之土上地中地下地以頒田里上地夫一

廛田百畝萊五十畝餘夫亦如之中地夫一廛田百畝

萊百畝餘夫亦如之下地夫一廛田百畝萊二百畝餘

夫亦如之

萊謂休不耕者七口受上地六口受中地五口受下地餘夫受田後又有所生成丁者亦

如之孟子言餘夫二十五畝與此不同彼自一人有餘力言所謂疆予任吐註云疆予謂民有餘力復與之田若餘夫然也是也先儒以爲同此餘夫皆非也

凡治野夫間有遂遂上有徑十

夫有溝溝上有畛百夫有洫洫上有涂千夫有澮澮上

有道萬夫有川川上有路以達于畿

此言鄉遂井田之法溝洫澮川與匠

人所云不同者此以人而言猶族師四閭為族八閭為
聯意鄭氏曰十夫二鄰之田百夫一鄰之田十夫二鄰
之田萬夫四鄰之田遂滿洫澮皆所以通水于川也遂
廣深各二尺清倍之洫倍清澮廣二尋深二仞徑畛塗
道路皆所以通車徒于國都也徑容牛馬畛容大車塗
容乘車一軌道容二軌路容三軌都之野塗與環塗同
可也萬夫者方三十三里少半里九而方一同以南畝
圍之則遂從溝橫洫從澮橫九澮而川周其外焉去山
陵及林麓與川澤溝澮城郭宮室塗巷三分之制其
餘如此以至于畿則中雖有都鄙遠人盡舉其地大

司徒凡造都鄙制其地域而封溝之以其室數制之不
易之地家百畝一易之地家二百畝再易之地家三百
畝乃分地職奠地守制地貢而頒職事焉以為地法而

待令

鄭氏曰不易之地歲種之地美故家百畝一易之地休一歲乃復種地薄故家二百畝再易之地休

二歲乃復種故家三百畝分地職分其九職所宜也定地守謂衡麓虞侯之屬制地貢謂九職所稅也頒執事者分命使各為其所職之事

按大司馬上地食者參之二中地食者

半下地食者參之一則不易之地家百畝即田百畝萊

五十畝也一易之地家二百畝即田百畝萊百畝也再

易之地家三百畝即田百畝萊二百畝也一自始開墾

言一自既成田言其實一也遂人之田皆大司徒不易

之地也因舉成田言故不云萊耳一易再易之地以生

熟之四淮萊田言耳周之制何嘗鄉遂用貢法都鄙用助法哉蓋野皆用助法但山林不可為井田及國中園

圃始用貢耳孟子云請野九一而助國中什一使自賦

國語所謂藉田以力而砥其遠邇

籍田耕而貽藉也砥正也平遠邇如不易

之地家百畝一易之地家二畝再易之地家三百畝類賦里以入而量其有無

里


也謂商賈所居之區域也以入計其利任力以夫而議

其老幼


力謂徭役以夫以夫家為數也議其老幼老幼則有復除也

方一里為井 夫三為屋橫百步直三百步為一里

屋三為井橫直皆三百步方一里九夫之地中百畝為公田外八百畝為私田授八家公田中二十畝為廬舍井竈葱韭盡取焉八家各耕公田十畝匠人所謂井間廣四尺深四尺謂之溝是也然此就不易之地大槩言也若一易再易之地則又大槩二井而當一焉



方十里為成



四井為邑方二里三十六夫之地四邑
 為丘方四里一百四十四夫之地四丘
 為甸方八里五百七十六夫之地旁加
 一里為溝洫則方十里為成百井九百
 夫地匠人所謂方十里為成成間廣八
 尺深八尺謂之洫是也除百夫為公田
 三百二十四夫地為溝洫仍有四百七
 十六夫地然地有三等乘除為二百三
 十八夫出長較一乘戎馬四疋牛十二
 頭甲士三人步卒七十二人

方百里為同

一二三四五六七八九十

終終終終終終終終終終

縣	部	縣	縣	縣
縣	部	縣	縣	縣
縣	部	縣	同	縣
縣	部	縣	縣	縣
縣	部	縣	縣	縣

四甸為縣方十六里二千三百四夫地旁加二里為溝
洫則方二十里三千六百夫地四縣為都方三十二里
九千二百一十六夫地旁加四里為溝洫則方四十里
一萬四千四百夫地詩駸發爾私終三十里亦服爾耕
十千惟耦是也四都為八十里旁加十里為溝洫則方
百里為同萬井九萬夫匠人百里為同周則廣二尋深二
仞謂之溝專達于川各載其名是也如上法除之仍有
二萬三千八百夫出車百乘馬四百疋牛一千二百頭
甲士三百人步卒七十二百人先儒賦稅不除三等非
也春秋傳韓賦七邑皆成縣也因其十家九縣長較九
百又云上大夫受縣下大夫受郡士田十萬周書作洛
千里百縣則同又名縣與四甸為縣之縣名同實異矣

小司徒乃經土地而井牧其田野九夫為井四井為邑
四邑為丘四丘為甸四甸為縣四縣為都以任地事而
令貢賦凡稅斂之事鄭司農云井牧者春秋傳所謂井
衍沃牧隰皋者也玄謂隰皋之地九夫為牧二牧而當
一井今造都鄙授民田有不易有一易有再易通率二
而當一是之謂井牧昔夏少康在虞思有田一成有衆
一旅一旅之衆而田一成則井牧之法先古然矣九夫
為井者方一里九夫所治之田也比制小司徒經之匠

人為之溝洫相包乃成耳邑丘之屬相連比以出田稅
溝洫為除水害四井為邑方二里四邑為丘方四里四
丘為甸甸之言乘也讀如衷甸之甸甸方八里旁加一
里則方十里為一成積百井九百夫其中六十四井五
百七十六夫出田稅三十六井三百二十四夫治洫四
甸為縣方二十里四縣為都方四十里四都方八十里
旁加十里乃得方百里為一同也積萬井九萬夫其四
千九十六井三萬六千八百六十四夫出田稅二千三

百四井二萬九百三十六夫治漁三十六百井三萬二千四百夫治澮井田之法備于一同今止于都者采地食者皆四之一其制三等百里之國凡四都一都之田稅入于王五十里之國凡四縣一縣之田稅入于王二十五里之國凡四甸二甸之田稅入于王地事謂農牧衡虞也貢謂九穀山澤之材也賦謂由車徒給繇役也司馬法曰六尺為步步百為畝畝百為夫夫三為屋屋三為井井十為通通為匹馬三十家士一人徒二人通

十為成成百井三百家革車一乘士十人徒二十人十
成為終終十井三千家革車十乘士百人徒二百人十
終為同同方百里萬井三萬家革車百乘士千人徒二
千人 何休曰聖人制井之法而口分之一夫一婦受
田百畝以養父母妻子五口為一家公田十畝即所謂
十一而稅也廬舍二畝半凡為田一頃十二畝半八家
而九頃并為一井故曰井田廬舍在內貴人也公田次
之重公也私田在外賤私也井田之義一曰無泄地氣


二曰無費一家三曰同風俗四曰合巧拙五曰通財貨
因井田以為市故俗語曰市井種穀不得種一穀以備
災害田中不得有樹以妨五穀還廬舍種桑栽雜菓畜
五母雞兩母豕瓜菓種疆畔女工蚕織老者得衣帛馬
得食肉焉死者得葬焉多于五口名曰餘夫餘夫以率
受田二十五畝此恐非
註見前十井共出兵車一乘司空謹別
田之高下善惡分為三品上田一歲一墾中田二歲一
墾下田三歲一墾肥饒不得獨樂瘠墾不得獨苦故三

年一換土易居財均力平兵車素定是謂均民力彊國
家在田曰廬在邑曰里一里八十戶八家共一巷中里
為校室選其耆老有高德者名曰父老其有辯護伉健
者為里正皆受倍田得乘馬父老比三老孝弟官屬里
正比庶人在官吏民春夏出田秋冬入保城郭田作之
時春父老及里正旦開門坐塾上晏出後時者不得出
暮不持樵者不得入五穀畢入民皆居宅里正趨緝績
男女同巷相從夜績至于夜中故工一月得四十五日


作從十月盡正月止男女有所怨恨相從而歌饑者歌
其食勞者歌其事男年六十女年五十無子者官衣食
之使之民間求詩鄉移于邑邑移于國國以聞于天子
故王者不出牖戶盡知天下所苦不下堂而知四方十
月事訖父老教于校室八歲者學小學十五者學大學
其有秀者移于鄉學鄉學之秀者移于庠庠之秀者移
于國學學于小學諸侯歲貢小學之秀者于天子學大
學其有秀者命曰進士行同而能偶別之以射然後爵

之士以才能進取君以考功授官三年耕餘一年之蓄
九年耕餘三年之積三十年耕有十年之儲雖遇唐堯
之水殷湯之旱民無近憂四海之內莫不樂其業故曰
頌賢作矣


公田方五百里




侯田方四百里




伯方三百里



子方二百里



男方百里



大司徒凡建邦國以土圭上其地而制其域諸公之地
封疆方五百里其食者半諸侯之地封疆方四百里其
食者參之一諸伯之地封疆方三百里其食者參之一
諸子之地封疆方二百里其食者四之一諸男之地封
疆方百里其食者四之一按是半三之一四之一謂貢
享天子也公除王食半外餘方百里者十二又半侯除
王食三之一外餘方百里者十又百里者三之二皆方
三百十六里有奇出車十乘公餘百里又半侯餘百里

三之二蓋方千里出車萬乘孟子云以萬乘之國伐萬
乘之國下云以千里畏人是也十分之方三百十六里
有奇也先儒以方百里出車千乘非也公侯所食皆方
百里餘以為士大夫卿采邑又各有附庸論語顓臾以
為東蒙主且在邦域之中是也伯除王食三之一外餘
方百里者六出車六百乘方二百四十五里有奇自食
方七十里餘以為士大夫卿采邑伯以下無附庸也子
除王食四之一外餘方百里者三為車五百乘方一百

欽定四庫全書

三禮圖
卷一

三十一

七十五里有奇自食五十里男除王食四之一外餘方
五十里者三為車七十五乘方八十六里有奇自食方
五十里餘為士大夫卿采邑蓋諸侯尊者貢重卑者貢
輕畿內則卑亦貢重春秋傳曰天子班貢輕重以列列
尊貢重者周之制也卑而貢重甸服也鄭伯男也而使
從公侯之貢惟弗給也故公之貢重于侯伯侯伯之貢
重于子男其自食公侯皆方百里猶天子甸服奉祭自
供意故孟子曰不百里不足以守宗廟之典籍又曰魯

方百里者五有王者作則在所損乎在所益乎者罪其
滅附庸自養也蓋天子象日千里諸侯月半之其實方
五百里乃四分之一耳故天子六鄉六遂諸侯三鄉三
遂天子六軍大國三軍也孟子王制言天子方千里舉
疆言公侯以下不舉疆者王者無外其食無限而諸侯
有限猶膳夫歲終則會惟王及后世子之膳不會意王
制以一州定封百里之國三十七十里之國六十五十
里之國百有二十則非也惟王朝卿大夫視侯侯受地

者止于百里七十里五十里云凡此皆言大畧山陵林麓川澤溝瀆城郭宮室塗巷三分去一餘以此推之先儒謂以封疆言則五等以食祿言則三等是也

公城九里同天子其
郭大小未聞

宮九
百步

侯伯城七里

宮七

百步

子男城五里

宮五

百步

附庸城三里

宮三

百步

郭七里

匠人王宮門阿之制五雉宮隅之制七雉城隅之制九

雉經塗九軌

經塗國中九經九緯之道也軌謂轍廣乘車六尺六寸旁加七寸凡八尺九軌積七

十二尺則此

環塗七軌

謂環城之道九步半有奇

野塗五軌

遂以外為野五

軌六步半有奇

門阿之制以為都城之制

都四百里外距五百里王子弟所封其城

隅高五丈宮隅門阿皆二丈

宮隅之制以為諸侯之城制

諸侯畿以外也其城

隅制高七丈宮隅門阿皆五丈禮器曰天子諸侯臺門

環塗以為諸侯經塗

諸侯經塗

七軌環塗五軌野塗三軌

野塗以為都經塗

都邑經塗五軌環塗野塗皆三軌

尚書

大傳古者百里之國三十里之遂二十里之郊九里之

城三里之宮七十里之國二十里之遂九里之郊三里之城二里之宮五十里之國九里之遂三里之郊一里之城以城為宮左傳都城過百雉國之害也

雉長三丈高一丈


先王之制大都不過三國之一中五之一小九之一今京不度非制也孔氏曰王城方九里長五百四十雉其大都方三里長一百八十雉中都方一里又二百四十步長一百八雉也小都方一里長六十雉也公城方七里長四百二十雉其大都方二里又一百步長一百四

十雉也中都方一里又一百二十步長八十四雉也小都方二百三十三步二尺長四十六雉又二丈也侯伯城方五里長三百雉其大都方一里又二百步長百雉也中都比王之王小都小都方一里六十六步四尺長三十三雉又一丈也子男城比王之大都其大都比侯伯之中都其中都方一百八十步長三十六雉也小都方百步長二十雉按公九章同王之冕則公城九里侯伯七里子男五里孟子言三里之城七里之郭自附庸極


小言也左傳雉有廣言匠人五雉九雉自高言

夏世室

南北十四步為八丈四尺



尺五丈十為半步七十西東




丈七為尺四步一十西東

南北九步二丈為五丈六尺

殷 人 重 屋


南北五丈六尺



東西七丈二尺

周 明 堂

南北六丈三尺



東西八丈一尺

考工記曰夏后氏世室堂修二七廣四修一

按世祭有天下者配

五帝于此故曰世室即明堂也夏屋兩翼禮弓云覆若夏屋者是也先儒周魯公稱世室遂以為廟制非也廟豈有五室于一堂哉辨見玉藻鄭氏曰世室者宗廟也魯廟有世室牲有白牡此用先王之禮修南北之深也夏度以步令堂修十四步其廣益以四分修之一則堂廣十七步半

五室三四步四三尺

鄭氏曰堂上為五室象五行三四步室方也四三尺以益廣也木室于東北火室于東南金室于西南水室于西北其方皆三步其廣益之以三尺土室于中央方四步其廣益之以四尺此五室居堂南北六丈東西七丈按三四步四三尺乃五文其橫廣皆三步四尺其直修皆四步三尺鄭氏以修不益而但益廣則橫連不通而直又大空九堦鄭氏曰南面四旁兩夾窓鄭氏曰窓助文亦不順

四戶白盛鄭氏曰盛灰也盛之言成也門堂三之二鄭氏

曰門堂門側之堂取數于正堂今堂如上制則門堂南北九步二尺東西十一步四尺爾雅門側之堂謂之塾

室三之一鄭氏曰兩室與門各居一分殷人重室堂修七尋堂崇二

尺四阿重屋周人明堂度九尺之筵東西九筵南北七

筵堂崇一筵五室凡室二筵鄭氏曰重屋者王宮中堂若大寢也其修七尋五丈

六尺放夏周則其廣五尋七丈二尺也五室各二尋崇

高也四阿若今四注屋重屋複簷也明堂者明政教之

堂周度以筵亦王者相改周堂高九尺殷三尺則夏一

尺矣相參之數禹畀宮室謂此一尺之堂歟此三者或舉宗廟或舉王寢或舉明堂互言之以明其同制

按下云廟門容大局七箇闡

門容小局參箇註大局牛鼎之局長三尺每局為七箇
一箇二丈一尺廟中之門曰闡小局腳鼎之局長二尺

參箇六尺

按腳鼎無局小鼎
指羊豕鼎註見後

或曰此即世室門也路門

不容乘車之五箇註路門者大寢之門乘車廣六尺六
寸五箇三丈三尺言不容者是兩門乃容之兩門乃容
之則此門半之丈六尺五寸或曰此即重屋門也應門
二徹參箇註正門謂之應門謂朝門也二徹之內八尺
三箇二丈四尺或曰此即明堂門也鄭氏之註本此然

應門二丈四尺與夏世室門二丈三尺三寸有奇正合則世室即明堂可知殷承夏後其制皆同但改為重屋高其堂四注簷耳周承殷後則亦重屋矣窓戶皆同但深廣堂室大小異耳淮南子云明堂之制重屋是也廟與寢則放其制擴而大之為五廟五寢異處吳氏曰按書傳云周人路寢南北七雉東西九雉室居二雉以雉長三丈言之則南北之修為二十一丈東西之廣為二十七丈此路寢之制古人寢不踰廟則明堂之制固宜

大于路寢今日明堂之室止于丈八尺而反狹于路寢
遠矣豈有是禮哉

註見寢
此說誤


蓋明堂乃祀始有天下者配

上帝之所四時迎氣于四郊祭帝還于明堂亦如之而
配以文王武王詩我將我享惟羊惟牛乃祀文王于明
堂之詩時武王未沒故不云武王牧野語稱武王祀乎
明堂而民知孝是也則始祖配天一年止一祭有天下
祖配上帝一年四祭矣月朔則以特牛告朔于明堂而
聽朔于南門外餘日之朝皆路寢門外其六年諸侯總


朝亦于明堂每年朝則于廟將合諸侯則司儀于國外
為壇三成宮旁一門不為五室以方明方四尺設東西
南北上下六色于上設六玉以代之詔王儀南嚮見諸
侯其方嶽之明堂亦同此制故先儒誤合為一詳見玉
藻諸侯則告朔聽朔於廟春秋不告朔猶朝于廟是也
傳曰諸侯受十二月朔政于天子藏于太祖廟每月朔
朝廟使大夫南面奉天子之命君北面而受之此時使
有司先告朔慎之至也受于廟者孝子歸美先君不敢

自專也言朝者緣生以事死親在則朝暮夕已死不敢
褻鬼神故也必于朔者感月始生而朝也按此言禮是
而釋義非

朝



庭



庭碑

振開振

周 天

始祖所自出

無
寢 桃
嫫 姜

寢
太廟
文王

寢
高祖廟

寢
祖廟

子 廟

無
寢 桃
嫫 姜

寢
太廟
武王

寢
曾祖廟

寢
禰廟

諸 侯 廟

寢

寢
曾祖廟

寢
禰廟

寢
高祖廟

寢
祖廟

天子諸侯大夫士廟制註見王制其毀廟主皆藏祖廟
先儒云祧非也說見後主祧爾雅室有東西廂曰廟無
東西廂有室曰寢則廟之異于寢者前東西廂耳又
名夾室在堂階上公食大夫禮賓升公揖退于廂禮饗
廟先門而後夾室是也然則制與榭不同考古敦銘惟
二年正月初吉王在周昭公丁亥王格于宣射呂氏曰
宣射者宣王之廟也榭者堂之制也其文作古射字執
弓矢以射之象因名其室曰射

省射後
從木

其堂無室以便

射事故凡無室者皆謂之榭宣王之廟制如榭故謂之
宣榭春秋記成周宣榭火以宗廟之重而書之如威僖
公之比二傳云藏禮樂之器非也後有戩敦云王格于
大室收敦銘云格大室亦廟也古者爵有德而祿有功
必賜于太廟示不敢專也按定王在王城十四年成周
宣榭火時尚未遷都宗廟在王城先儒謂宣王會諸侯
東都講武之所遂以為廟故其制如榭後因有功不毀
云廟制猶庠榭制猶序

遷廟禮

大戴禮成廟將遷之新廟君前徙三日齋祝宗人及從者皆徙徙之日君玄服從者皆玄服從至于廟羣臣如朝位君入立于阼階下西向有司如朝位宗人擯舉手曰有司某請升君升祝奉幣從在左北面再拜興祝聲三曰孝嗣侯某敢以嘉幣告于皇考某侯成廟將徙敢告君及祝再拜興祝曰請導君降立于階下奉衣服者皆奉以從祝

不言奉主而言衣服不忍言也

奉衣服者降堂君及在位

者皆辟也奉衣服者至碑君從有司皆以次從出廟門

奉衣服者升車乃步君升車從者皆就車也凡出入門

及大夫溝渠祝下擯至于新廟筵于戶牖間

舊註始句外來故先

于樽于西序下

舊註四時之祭在室筵與中在堂筵序下是以設樽俎于東方今惟布南面之

序故置樽于西以因其便矣

脯醢陳于房中設洗當東榮南北以堂

深有司皆先入如朝位祝導奉衣服者乃入君從奉衣

服者入門左在位者皆辟也奉衣服者升堂皆反位君


從升奠衣服于席上祝奠幣于几東君北向祝在左贊

者盥升適房薦脯醢君盥酌奠于薦西反位君及祝再拜興祝聲三曰孝嗣侯某敢用嘉幣告于皇考某侯今月吉日可以徙于新廟敢告再拜君就東廂西面祝就西廂東面在位者皆反走辟如食間擯者舉手曰請反位君反位祝從在左卿大夫及衆有司諸在位者皆反位祝聲三曰孝嗣侯某潔為而明薦之享君及祝再拜君反位祝徹反位擯者曰遷廟事畢請就燕君出廟門卿大夫有司執事皆出廟門告事畢乃曰擇日而祭焉

宮人掌王之六寢之修為其井區除其不蠲去其惡臭註路寢一小寢五

天子寢制

東西南九雉為十二七十丈



南北七雉為二十一丈

國語吳王
背屏而立
夫人向屏
諸侯寢門
內有屏則
天子之屏
在門外矣

書逆子劍于南門之外延入翼室恤宅宗下云狄設黼

扆綴衣牖間南向敷重篋席黼純華玉仍几

註此平時見犀臣覲

諸侯之坐也

西序東嚮敷重底席綴純文具仍几

註此旦夕聽事之坐

也按此乃衆賓位惟喪禮主人反哭于廟在西階上拜賓註恐非

東序西嚮敷重豐席

畫純雕玉仍几

註此養國老饗羣臣之坐也

西夾南嚮敷重筭席玄

紛純漆仍几

註此親屬私燕之坐也按西夾南嚮即周禮筵國賓于牖前註見後夾字恐誤或曰

寢無東西廂故以東西室名夾言夾旁中央也

越玉五重陳寶赤刀大訓弘璧

琬琰在西序大玉夷玉天球河圖在東序雋之舞衣大

貝鼓鼓在西房兌之戈和之弓垂之竹矢在東房大輅

在賓階面

即木輅

綴輅在阼階面

即草路綴雜色

先輅在左塾之

前

即玉輅先猶前也

次輅在右塾之前

即金輅象輅

二人雀弁執惠

立于畢門之內四人綦弁執戈上刃夾兩階祀一人冕

執劉立于東堂一人冕執鉞立于西堂一人冕執戣立

于東垂一人冕執瞿立于西垂一人冕執銳立于側階

檀弓云夏后氏殯于東階之前猶在阼也殷人殯于兩

楹之間則與賓主夾之也周人殯于西階之上則猶賓

之也然與廟同聘禮云公受玉于中室與東楹之間又云大夫奉束帛賓受幣堂中西北面既而賓饋大夫束錦大夫受幣于楹間南面則兩楹在中矣周禮云王位設黼依依前南鄉又云筵國賓于牖前則王位在東室牖國賓在西室牖爾雅牖戶之間謂之扂其內謂之宁故記云成王幼不能泣阼周公相踐阼而治則王位在東室外明矣然西室外亦名扂佐食無事則出戶負依南面若無東室則兩楹不得在其中矣又按殯兩楹賓

主夾之與樽房戶間賓主共之語意正同少牢尊于房戶間主婦洗爵于房中出實爵尊南拜獻尸時尸席在戶西面則房戶在房中央明矣爾雅兩階間謂之鄉庭之左右謂之位門屏之間謂之宁

天子至庶人寢室配偶

天子有后有夫人有世婦有嬪有妻有妾公侯有夫人有世婦有妻有妾天子六寢后六宮一宮在前治內政以陰故北向其外則市故曰縣禁令于王之北宮而糾

其守是也其內五宮后以時居之其餘與三夫人二十
七世婦分居之又有九室九嬪居之內宰以陰禮教六
宮以陰禮教九嬪以婦職之法教九御使各屬以作二
事則八十一御妻分屬九嬪矣故曰九嬪掌婦學之法
以教九御婦德婦言婦容婦功各帥其屬而以時御叙
于王所祭法天子諸侯必有公桑蚕室卜三宮夫人世
婦之吉者使入蚕于蚕室是也鄭氏謂六宮者每宮九
嬪一人世婦三人女御九人其餘九嬪三人世婦九人

女御二十七人從后惟其所燕息焉從后者五日而沐浴其次又止十五日而編云皆意說也諸侯四寢夫人四宮一宮在前治內政不居春秋傳殺國佐于內宮之廟是也其內三宮夫人居中宮左右媵居東宮西宮亦當有六室為姪娣居也卿大夫二寢所謂將適公所宿齋戒居外寢世婦亦二寢曰適寢曰下室所謂大夫世婦卒于適寢內子未命則死于下室遷尸于寢是也亦當有四室為姪娣居士一寢其妻亦一寢皆曰適室若

死而朔月及薦新于西室又以東室生居者為下室是也亦當有二室為妾居禮云庶人無側室則士有側矣庶人夫婦共一寢詩婦人謂角枕錦衾予美亡此誰與獨旦是也外亦有羣室為妾居所謂及月辰夫出羣室是也蓋天子數皆十二除后之外三夫人九嬪亦十二通世婦御妻則一百二十諸侯一夫人二國往媵各有姪娣一娶九女春秋傳齊侯三夫人內嬖六人是也通世婦妻妾言亦應九十人大夫娶一正室一側室各有

娣姪故禮大夫不名姪娣通妻妾言亦應六十人
士則一妻二妾故曰士不名長妾庶人則一妻一妾傳謂天子諸侯一娶九女大夫功成受封得備八妾者重國家廣肩嗣也卿大夫一妻二妾者尊賢重繼嗣也不備媵娣何北面之勢不足盡人骨肉之親士一妻一妾何下卿大夫也皆意說也王后進御之義自下而上象月初生漸進至盛鄭氏曰凡羣妃御見之法月與后妃其象也早者宜先尊者宜後女御八十一人當九夕世婦二

十七人當三夕九嬪九人當一夕三夫人當一夕后當
一夕率五日而遍云自望後反之孔子云日者天之明
月者地之理陰契制故月上屬為天使婦從夫故日紀
䟽孔子云乃孝經援神契文日者天之明本合在天月
者地之理本合在地今以陽尊而陰卑月乃為天契制
所使故云陰契制上屬為天使是以月上屬于天隨日
而行云又曰五日一御諸侯也諸侯娶九女姪娣兩兩
而御則三日也次兩媵則四日也夫日專夜則五日也


先儒謂孤卿大夫以下有妾者二妾共一夕其一妾者
但不如妻得專夕而已書大傳古者后夫人將侍君前
息燭後舉燭至于房中釋朝服襲燕服然後入御于君
雞鳴太師奏雞鳴于陛下然後夫人鳴佩玉于房中告
去也然後廣門擊柝告辟也啓門也然後少師奏質明于
陛下然後夫人入廷立君出廟

天子三朝註文世子


周禮太僕既燕朝則正位掌摺相

司正朝儀

祖



朝士掌外朝之治



九室九卿治事

國語內官不過九御外官不過九品考工記曰內有九室九嬪居之外有九室九卿朝焉則九室在應門外君日視治朝在路寢門外退適路寢聽政卿退適九室聽政也燕朝外朝非常諸侯亦三朝但無明堂為羞耳應門廟門皆有屏天子外屏諸侯內屏大夫以簾士以帷鄭氏曰屏今罽毼也刻之以雲氣蟲獸如今闕上為之矣按罽毼上皆以罔即網戶也以木為方目如羅網狀故可以為屏又可為門扉甘露之變出殿北門裂斷罽

愚而去漢志曰東闕果愚災是也釋名果復也愚思也

言臣將請事于此復思也非天文志屏四星在端門之

外近右執法所以壅蔽帝庭屏取法于此魯語曰公父

文伯之母如李氏康子在其朝與之言弗應從之及寢

門弗應而入康子辭于朝而入見

辭其家臣入見敬姜

曰肥也不

得聞命無乃罪乎曰子弗聞乎天子諸侯合民事于外

朝合神事于內朝

神事祭祀也

自卿以下合官職于外朝

外朝

君之公朝


合家事于內朝

內朝家之私朝

寢門之內婦人治其業焉

上下同之夫外朝子將業君之官職焉內朝子將佐季氏之政焉皆非吾所敢言也春秋傳鄭伯有者酒為窟室而夜飲酒擊鐘焉朝至未已朝者曰公焉在其人曰吾公在壑谷則卿大夫之二寢其外寢聽政不居在寢門外矣左傳晉靈公使鉏麇賊趙盾晨往寢門闕矣盛服將朝尚早坐而假寐公羊以為勇士入其大門則無人門焉者入其閨門則無人閨焉者上其堂則無人焉俯而窺其戶方食魚飧則是以寢門為閨門與敬姜婦人治其業之言合

周大學圖



易傳大初篇曰天子旦入東學晝入南學暮入西學在中央曰大學天子之所自學也賈誼曰學者所學之宮也學禮曰帝入東學上親而貴仁則親疎有序而恩相及矣帝入南學上齒而貴信則長幼有差而民不誣矣帝入西學上賢而貴德則賢一作聖智在位而功不遺矣

帝入北學上貴而尊爵則貴賤有等而下不踰矣帝入大學承師問道退習而考于太傅太傅罰其不則而匡一作違其不及則德智長而理一作治道得矣此五學者既

成于上則百姓黎民化輯于下矣蓋有虞氏上庠下庠
夏后氏東序西序商人右學左學周兼三代家有塾黨
有庠術有序國有學庶人家無塾則中里共一校室有
塾之意春秋傳鄭人將于鄉校以論執政是也而國學
則又兼之左近北為東序即東學也左近南以其無房
室亦名東序祀先老于此即南學也右近北為上庠即
北學也右近南為瞽宗即西學也所謂凡有道德者使
教焉死則以為樂祖祀于瞽宗是也中為大學為視學

乞言之所文王世子反登歌清廟既歌而語以成之也
總名曰成均以成天子至庶人也亦曰大學又曰辟雍
詩於樂辟雍鎬京辟雍莊子文王有辟雍之樂武王周
公作武蓋本文王禮法之樂周有天下遂以為樂名以
樂可以告人也禮法而雍和則德成矣所謂成于樂也
猶夔典樂教胄子意非水旋丘如璧也豈因靈臺靈沼
附會為之說歟諸侯學制亦同五室但以其貢士于天
子而在國外不同在魯則謂之泮宮以泗水縣泮水出

馬作宮于上曰泮宮猶楚渚宮意詩思樂泮水集于泮
林亦非半于天子也王制作類宮鄭氏曰類之為言班
也所以班政教也又因泮而附會類云

天子諸侯公卿大夫庶人入學不同

書大傳曰大夫七十而致事老其鄉里大夫為父師士

為少師

亦為里
庶尹也

耒鋤已藏祈樂已入

祈樂當
為新穀

歲事已畢

餘子皆入學年十五始入小學見小節踐小義焉年十
八始入大學見大節踐大義焉距冬月至四十五日始

出學傳農事上老平明坐于右塾庶老坐于左塾餘子
畢出然皆歸歸夕亦如之餘子皆入父之齒隨行兄之
齒鴈行朋友不相踰輕任并重任分頒白不提攜出入
皆如之又曰古之帝王必立大學小學使公卿之太子
大夫元士之適子十有三年始入小學見小節踐小義
焉二十八大學見大節焉踐大義焉故入小學見父
子之道長幼之序入大學知君臣之義上下之位故小
師取小學之賢者登之大學大師取大學之賢者登之

天子以為左右故為君則君為臣則臣為父則父為子
則子周禮師氏掌以媿詔王以三德教國子一曰至德
以為道本二曰敏德以為行本三曰孝德以知逆惡教
三行一曰孝行以親父母二曰友行以尊賢良三曰順
行以事師長掌國中得故書為德失之事以教國子弟凡國之
貴游子弟學焉保氏掌諫王惡而養國子以道乃教之
六藝一曰五禮二曰六樂三曰五射四曰五馭五曰六
書六曰九數乃教之六儀一曰祭祀之容二曰賓客之

容三曰朝廷之容四曰喪紀之容五曰軍旅之容六曰車馬之容按庶民八歲學小學十五學大學皆在校室其有秀者移于鄉學鄉學之秀者移于庠則鄉學在外為序在中為庠有二也故曰黨有庠術有序術都邑達野道也淮南子曰室堂庭門巷術野是也大傳十八入大學指此故下云上老坐右塾庶老坐左塾漢志學于庠序總言也以鄉學視校室則鄉又為大矣庠之秀者移于國學學于小學即諸侯之學也以對天子故云小

二十入此學九年諸侯歲貢小學之秀者于天子學于
大學則三十年矣又學九年大樂正論造士之秀者以
告于王而升諸司馬曰進士故四十始仕畿內庶民亦
十八入鄉庠三年大比命鄉論秀士升之司徒曰選士
教外舍九年記謂國之俊選皆造焉是也司徒論選士
之秀而升之學曰俊士亦三十入大學也但選士外而
俊士內後世外舍內舍上舍亦有據也公卿大夫元士
之適子則各家立塾內則言十年出就外傳居宿于外

指此大傳十三入小學謂入師保所掌虎門外小學同
天子學也二十八大學庶子教之所謂職諸侯卿大夫
之庶子之倅凡國之政事國子存游倅使之修德學道
春合諸學秋合諸射以考其藝而進退之但在外舍猶
選士耳所謂升于司徒不征于鄉也天子之子則大戴
禮謂古者八歲出就外舍學小藝焉履小節焉束髮而
就大學學大藝焉履大節焉又不待二十年矣以虎門
左師保所掌為小學別無餘學所謂升于學不征于司

徒也賈誼論成王在襁褓中召公為太保周公為太傅
太公為太師又置少保少傅少師及太子少長知好色
則入于學

即上文學禮
帝入五學

及太子既冠成人免于保傅之


嚴則有司過之史有虧膳之宰正與此合則其言有本矣
釋菜釋幣飲至釋奠不同

昏禮若舅姑既沒則婦入三月乃奠菜席于廟奧東西
右几席于北方南面祝盥婦盥于門外婦執筭菜祝師
婦以入祝告稱婦之姓曰某氏來婦敢奠嘉菜于皇舅

某子婦拜扱地坐奠菜于几東席上還又拜如初婦降堂取筭菜入祝曰某氏來婦敢告于皇姑某氏奠菜于席如初禮婦出祝闔牖戶老醴婦于房中南面凡弟子釋菜于先聖先師禮畢此但無見姑一節文王世子所謂然後釋菜不舞不授器乃退儗于東序一獻無介語可也蓋儗弟子猶老之醴婦也象生者執贄見故無酒饌而所見者醴之而已聘禮賓朝服釋幣于禰有司筵几于堂中祝先入主人從入在右再拜祝告又再拜釋

幣制玄纁束奠于几下出主人立于戶東祝立于牖西
又入取幣降卷幣實于筭埋于西階東又釋幣于行遂
受命上介釋幣亦如之及歸釋幣于門乃至于禰筵几
于室薦脯醢觴酒陳席于阼薦脯醢三獻一人舉爵獻
從者行酬乃出上介至亦如之則釋幣無脯醢酒而告
至始有之若諸侯出則告于祖奠于禰命祝史告于社
稷宗廟山川凡告用牲幣反亦如之則奠謂釋奠也凡
釋奠大則用牲幣小則薦饌酌奠而已猶喪禮朝夕奠

止脯醢酒醴而已朔月奠則加特豚魚腊三鼎



三禮圖卷一

欽定四庫全書

經部

三禮圖卷二

詳校官侍郎臣謝墉

給事中臣溫常綬覆勘

總校官編修臣王燕緒

校對官學正臣翁樹棠


謄錄監生臣虞奕綬

繪圖監生臣曹源崙

欽定四庫全書

三禮圖卷二

斧依
舊圖云從
廣八尺



明
劉績
撰

越席

不削之蒲


為之故曰

蒲越藁梧

之尚淮南

子曰越席

不緣



蒯席

玉藻浴出履

蒯席蒯茅類

鄭氏曰澀便

于足是也草

席謂之蓐春

秋傳曰蓐食

又曰軍行左


追蓐爾雅蓐

亦謂之茲故


諸侯病曰負

茲周紀衛康

叔布茲是也




蒲席




續純

莞席




紛純

縹
席
同
古
藻



畫
純

次席



蒲純

熊席

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

司几筵掌五几五席之名物辨其用與其位大朝覲大

享射凡封國命諸侯王位設黼依依前南鄉設莞筵紛

純加縹席畫純加次席黼純左右玉几

鄭玄曰紛如縹有文而狹者縹

席削蒲弱展之編以五采若今合歡矣祀先王昨席亦

畫謂雲氣也

次席桃枝席有次列成文

祀先王昨席亦

如之

鄭玄曰昨讀曰酢謂祭祀及王受酢之席尸卒食王酢之卒爵祝受之入酌授尸尸酢王于是席王

于戶內及諸侯致爵乃設席

諸侯祭祀席蒲筵纁純加莞席紛純右

彫几昨席莞筵紛純加縹席畫純

昨亦讀作酢按諸侯祭祀乃祀先公也欲

通于他故云諸侯祭祀纁雜采也祭乃諸侯受酢乃天子故雖同二種而以上席為下筵云凡酢席皆無几上

文亦如之乃縣言惟祀先王先公有几也又按鬼神之神祭單席此祀先王有三種先公有二種也彼乃指祭天

地言

筵國賓于牖前亦如之左彤几

鄭氏曰國賓諸侯來朝孤卿大夫來

聘後言几者使不家如也朝者彤几聘者彤几疏云筵諸侯與孤用莞筵繼席而卿大夫則用蒲筵萑席今總

云國賓孤卿大夫同繼

甸役則設熊席右漆几

熊席田兵尚威

莞者廣解國賓之義

也神几右人几左乃

凡喪事設萑席右素几其柏席用

以喪禮處之故右

萑蒲純諸侯則紛純每敦一几

喪事大斂莫虞祭也柏乃詳字訛謂小祥大祥

祭也士虞禮用素几萑席是也喪祭凡吉席單異于吉

云祥祭天子用萑席蒲純諸侯亦用萑席但下其純為

紛耳敦迫地也無筵而一席即迫地云敦如敦彼獨宿

亦在車下之敦鄭玄謂柏乃椁字藏椁中神坐之席敦

讀為燾棺在殯則槨燾既定則加幕皆謂覆之周禮雖合葬及同時在殯皆異凡體實不同祭于廟同凡精神合豈其然歟

凡吉事變几凶事仍几

變几如徹几改建類仍則始終相因而不變也

按蒲席老蒲最下者也以績雜采純之書謂之底席五席最下者也績作綴同莞席蒲秀而未老者先儒以為蒲之細者是也郭璞云莞蒲一草蒲粗莞細爾雅莞苻離其上萬註云其上臺別名萬音駟書謂之筓席指萬言紛帛也即書玄紛純也縹席鄭玄以為削蒲蕝展之編以五采若今合歡席註蕝蒲下入泥白處今俗呼蒲

白畫純畫繒緣之也書謂之豐席言其色之多也或曰
表裏織而厚也次席桃枝竹四寸有節者比次為
之書謂之幾席蓋蒲最貴畫次之玄紛又次之績最下
者也故各同其席云葦長大而萑小短有粗細之異實
一種也今北方人皆種之猶蒲莞分粗細意爾雅葭葦
葦葭葭蘆葦亂則萑即葦也細不及指而節稀可以為
蘆蘆則粗大而節密矣葦即荻厚而不可為席秦風蘆
葭蒼蒼幽風八月萑葦則極北無荻衛風葭蒹揭揭王

風毳衣如莢葦未秀為蘆荻矣舊以萑為荻小正傳蘆未秀為莢葦未秀為蘆字說蘆謂之葭其小曰萑荻謂之蘆其小曰葦其始生曰莢又謂之蘆荻強而葭弱荻高而葭下故謂之荻莢本中亦始生未黑黑已而赤故謂之莢其根旁行牽揉盤互其行無辨而又強故又謂之蘆皆非也蘆葦實二種蘆荻莢實一種公食大夫禮司宮具几與蒲筵常緇布純加萑席尋玄帛純上大夫蒲筵加萑席其純皆如下大夫純鄉飲酒鄉射蒲筵緇

布純蓋筵席之制短不過尋八尺長不過常丈六尺中者不過九尺而已禮記謂天子五重諸侯三重大夫再與此不同者先儒謂書言敷重席王之次席繅席皆重焉與莞筵而五諸侯繅席亦重焉與蒲筵而三理或然也凡筵席對言初在地者一重即謂之筵重在上者即謂之席

士之室前後薦簷曰庑居中脊柱曰棟棟庑之間曰楣
前楣至庑曰南堂當東室曰東堂當西室曰西堂後楣
至庑曰北堂前後楣下以橫牆間之上皆有窓前謂
之南牖南墉各為戶後謂之北牖北墉極邊之直牆曰
東序西序中之直牆曰東墉西墉為二室生居東室玉
藻記云君子之居恒當戶寢恒東首惟東室之與當戶
齋與死則居北室大斂朝夕奠俱于西室以賓事之也
喪禮云燕養饋羞湯沐之饌如他日朔月若薦新則不

饋于下室則以東室為下室猶射禮左物在東右物在
西以左物為下物意莊生謂原憲環堵之室茨以生草
蓬戶不完桑以為樞而甕牖二室褐以為塞上漏下濕
匡坐而絃是也其中一間棟下以墻間之為門二戶左
曰東戶右曰西戶非如二室戶止一扇矣其內曰東房
西房按內則曰妻抱子出自房當楣立則房不在楣下
明矣先儒以大夫士東房西室天子諸侯西室之西又
有房非也天文房星兩咸夾罰似房狀其形可知矣無

室曰序射禮序則物當棟堂則曰當楹序則鈎楹內堂則由楹外皆指庑下之楹也其制上下皆同但架數深淺異耳庶人三架士大夫五架爾雅桷直而遂謂之閼直不受檐謂之交直而遂則止一桷為檐耳乃三架屋直不受檐則二桷相接乃五架屋以是差之諸侯七架天子九架矣檐謂之滴說文齊名屋聯檐謂之檐楚謂之栢釋名檐接也接屋前後也栢旅也連旅之或謂之櫓櫓絲也連絲櫓頭使平也上入曰雀頭形似爵也爾

雅西南隅謂之奧西北隅謂之屋漏東北隅謂之宦

音夷


東南隅謂之突

音要


士喪禮奠于西室朔月掃室聚諸突

則四隅皆指家而言即室也周語民無縣耜野無奧草
深也屋漏即中雷也

鄉飲圖註本見章射位同



宇卑尺



弓二十八枚即蓋
檠也象二十八宿
冒以衣而維以絃
考工記曰良蓋弗
冒弗絃殷畝而馳
不墜謂之國工春
秋傳若放射楚子
汰輶而貫笠輶註
兵車無蓋尊者則
一人執笠依輶而立

車輿

車即路也以人君
所乘故又稱路如
路寢路門路馬類

輿四寸五分八寸之八

輿高五尺五寸兩輪上出式

輿闊三寸二十七分
同名寸之七與輿

輿踵

輿從前橫木皆名輿曰輿方輿地

輿從前橫木皆名輿曰輿方輿地

踵承軫者也圍七寸七十五分寸之五十一即軾之末
伏兔一名鞮又名車殿考工記六尺六寸之車軾高三
尺有三寸加軫與鞮為四尺也則伏兔與軾共七寸也
兩端伏兔中有軾三處載軾車以下遞減十半軾後為
隧深四尺四寸輿下有四面材名正其前空二尺二寸
名范載兵器

軾前十尺與隧四尺四寸長凡大四尺四寸前項持
衡後踵承軾良軾環灑自伏兔不至軾七寸軾中有灑

謂之國輶註環謂圻鄂如環詩五檠梁輶輶頸圍九寸
十五分寸之九詩錯衡則有采飾輶縱而衡橫於上若
梁曰梁輶在下兩邊又馮頸者曰輶音鉤左傳射兩鉤而
還說文輶端持衡曰輶輶下曲曰輶輶輶曰輶呼昆

車人為車輪崇車廣衡長參如一謂之參稱參分車廣
去一以為隧參分其隧一在前二在後以揉其式以其
廣之半為之式崇以其隧之半為之較崇六分其廣以
一為之軫圍參分軾圍去一以為式圍參分式圍去一

以為較圍參分較圍去一以為軹圍參分軹圍去一以為軹圍

輪人為蓋達常圍三寸程圍倍之六寸信其程圍以為

部廣部廣六寸部長二尺程長倍之四尺者二

杠長八尺加達

長二尺則蓋高一丈

十分寸之一謂之枚

一枚一分

部尊一枚

蓋斗上隆高者

一分弓鑿廣四枚鑿上二枚鑿下四枚

廣大也

鑿深二寸有


半下直二枚鑿端一枚

鑿深對為五寸是以不傷達常也下直二枚者鑿空下正而上

低二分也其弓端則撓之平刻其下二分而內之欲令蓋之尊終平不蒙撓也


弓長六尺

謂之庇軹五尺謂之庇輪四尺謂之庇軫三分弓長而
揉其一參分其股圍去一以為蚤圍參分弓長以其一
為之尊上欲尊而宇欲卑上尊而宇卑則吐水疾而雷
遠




牽一作轄以鉄為之又曰

輜名又蔽名一第




苓覆名又禰即臂



周禮服車五乘孤乘夏篆卿乘夏縵大夫乘墨車士乘
棧車庶人乘役車詩罩第朱鞮又曰鞮鞫淺幘爾雅輿
革前謂之艱後謂之第竹前謂之禦後謂之蔽凡車皆
以革鞮之而朱漆從周所尚也或雕入或篆起畫為飾
故曰丹漆雕幾之美又謂之下者言其上之飾五乘備
也惟夏縵則畫而不篆無雕幾故曰無文墨車則墨漆
之而不畫棧車則不鞮而弁上故曰飾車欲侈棧車欲
弇玉路金路以金玉象各飾其末也猶夏意革路畫之


而已即縵車也木路亦不輓但不奔上異于棧車耳前
則以帀覆之左右則以輦第蔽之婦人則以翟第耳凡
有所敬則撫式故加帀焉其純曰植以存毛去毛分吉
凶文質焉兵車則無帀以革衛之左右亦然爾雅所謂
艱第也韻書云車上竹席障塵者前曰藩後曰屏旁曰
輸總曰第通作屏星鄭玄謂夏篆五采畫轂約也夏縵
亦五采畫無瑕爾墨車不畫也棧車不革輓而漆之役
車方箱可載任器以供役但舉轂可見者而言猶詩約

軼錯衡意其實輶軫皆然



轂長三尺三寸
徑一尺三分寸
之二三分其轂
長一在內一在
外以置輻謂之
藪一曰壺中其
外小穿名軟其
內大穿名賢皆
以金為之厚一寸

輪



漆六尺四寸兩邊各一寸
不漆老子曰三十輻共一
轂考工記容轂必直陳篆
必止施膠必厚施筋必數
恃必負幹既摩革色青白
謂之轂之善又曰兵車之
輪六尺有六寸田車之輪
六尺有三寸乘車之輪六
尺有六寸註兵車革路也
田車木路也乘車玉路金
路象路也

王之五路一曰玉路錫樊纓十有再就建太常十有二旂以祀金路鈎樊纓九就建大旂以賓同姓以封象路朱樊纓七就建大赤以朝異姓以封革路龍勒條纓五就建大白以即戎以封四衛木路前樊鵠纓建大麾以田以封蕃國春秋傳曰晉車七百乘韠鞅韠註駕具在背曰韠在胷曰鞅在腹曰鞅在後曰韠蓋衡下止容二服馬駕衡在背為韠即著腋皮也然馬前進則韠後脫故鞅在膺所以制韠使不後脫是韠自背至腹鞅則

邪繫于膺亦名纓如婦人之褱謂之纓纓綏也意禮家
說曰纓當冒以削革為之是也說文頸𦘔也註云在腹
非左傳齊侯駕太子抽劍斷鞅乃止凡駕兩服之鞅為
要也鞅馬大帶即纓下垂者先儒謂纓在膺前如索帟
正釋樊字春秋傳曰鞅厲旂纓昭具數也厲如垂帶而
厲之厲右列同言具鞅之垂列也又衛人請曲縣繁纓
以朝則士以下有纓無鞅通作繁與樊同蓋鞅可減而
纓不可減也五采成行列為就先儒謂鞅及纓皆以五

色屬飾之蓋如人之率帶以采縫辟積意革路尚武不
文無樊其纓狹故曰條猶喪冠條屬及轡亦名條之條
木路裁毛皮為之曰前樊始不緼而反吉矣鄭氏謂前
讀為緼翦之翦是也以革本色為纓曰鵠纓淡黃如鵠
也淺樊鵠纓則始無就飾矣驂馬之脊不當于衡別為
二靽以引軸由前陰板之下而出為環以續繫之詩陰
靽鍤續是也前繫驂馬之膺邪連于脊有鈎以結之曰
鈎膺刻金為飾曰鏤膺衡下又服馬頸曰鈎故此及驂

馬頸亦曰鈎然馬退後則勒前墮故絆在後所以制勒使不前墮也絡馬首曰羈額上當顙如月形日月題莊子加之以衡扼齊之以月題其上鈴曰錫左傳錫鸞和鈴昭其聲也詩鏤錫鄭氏曰眉上曰錫馬面當盧刻金為之說文作錫是也馬口中曰銜又名櫪莊子曰前有櫪勒之患而後有鞭策之威銜兩旁曰鑣爾雅鑣謂之鑣魚列反一名排沫一名扇汗以朱纏曰朱幘鑣纏於此而垂其末曰革爾雅轡首謂之革詩鞿革冲冲鞿革有

轡然轡綆皮為之故曰執轡如組六轡如絲言其柔也
以韉馬名韉以繫馬名綆檀弓執羈韉左傳負羈綆以從
是也古者行皆乘車故於馬駕車制詳非後世專乘馬
而已玉路錫即有虞氏轡車也則非徒馬有鈴車軾亦
有鈴矣金路鉤即夏后氏鉤車也驂馬為韉始有鉤賈
氏曰驂馬別有鉤鬲引車左傳良夫乘中甸兩牡先儒
謂四馬為上乘兩馬為中乘孟子亦云一車兩馬豈夏
后氏始添驂馬歟干旄疏云夏駕兩謂之麗殷益一駢

謂之騁周又益一駢謂之駟按黃帝時已服牛乘馬則兩馬在夏前矣傳又云趙旃以其良馬二濟其兄與叔父以他馬反遇敵不能去棄車而走林則兵車亦有兩馬者也司馬法戎車夏后氏曰鈎車先正也殷曰寅車先疾也周曰元戎先良也但不知在車鈎指何物鄭氏謂馬婁頷有鈎亦以金為之則鈎在羈前有錫後有鈎旁有朱鑣下加御即名勒矣但于鈎膺不合韓非子曰馬欲進則鈎飭禁之欲退則錯鍍貫之馬因旁出則鈎


當如前說象路朱即周乘路也朱周所尚色幘赤而車亦赤也詩路車有奭是也革路龍勒龍古龐通雜色不純也上公用龍之龍兵車故馬加銜先儒謂無銜曰羈有銜曰勒鄭氏曰龍駟也以白黑飾韋雜色為勒是也顧命作綴路綴雜色也則車亦駟矣士喪禮纓轡其勒縣于衡則凡車非上路皆有銜木路即殷路也周尚文文極則反本故次于後不輓以革仍木本色故不言色而止言前樊鵠纓象路朱則金玉路皆朱矣上得以兼

下下不得以魚上餘俱倣此王后之五路重翟錫面朱
總厭翟勒面績總安車雕面鷩總皆有容蓋翟車貝面
組總有握輦車組輓有翼羽蓋鄭氏曰重翟重翟雉之
羽也厭翟次其羽使相迫也勒面謂以如王龍勒之韋
為當面飾也雕者畫之不龍其韋安車坐乘車凡婦人
車皆坐乘鄭司農曰鷩總者青黑色以繒為之總著馬
勒直兩耳與兩鑣容謂幃車山東謂之裳帷或曰幃容
鄭立曰蓋如今小車蓋也皆有容有蓋則重翟厭翟皆

謂蔽也重翟后從王祭祀所乘厭翟后從王賓饗諸侯
所乘安車無蔽后朝見于王所乘謂去飾也詩國風碩
人翟弗以朝謂諸侯夫人始來乘翟蔽之車朝見于君
盛之也此翟蔽蓋厭翟也然則王后始來乘重翟乎翟
車不重不厭以翟飾車之側耳貝面貝飾勒之當面也
有幄則此無蓋矣如今駟車是也后所乘以出桑輦車
不言飾后居宮中從容所乘但漆之而已為輕輪人輓
之以行有翳所以禦風塵以羽作小蓋為翳日也按鄭

氏以總為羈之直者上文面旣指羈言則總當為轡矣
后云組總則婦人之轡皆織絲矣猶男鞶革女鞶絲意
朱正色最上績雜米次之鶩青黑間色最下組總則但
織絲無色也組輓則以人輓之非馬矣重翟錫面朱總
同王之玉路勒面同王之革路雕面如丹漆雕幾之雕文
而有迹猶孤之夏篆也貝面如書厥篚織貝詩成是貝
錦意言其文猶卿之夏縵也後世遂訛而用珂非也鞶
車無馬故不言面蓋婦人質而少文重翟從王祭祀賓

客所乘有事則乘厭翟如姜女從太王遷都類無事則
乘安車如出桑類厭猶厭冠之厭降殺厭帖也兼國中
野外故云皆有容蓋以別之翟車即翟茀車也國中所
乘無容蓋故云有幄輦車宮中所乘無幄故云有翼羽
蓋




旄鈴


見后旂

綢練


縮廣充幅長八尺曰
旄




殷大白





周大赤即旛



大常即大旂








旗


司常掌九旗之物
名則神可通名




六旂以象伐


七苻以象鵠火







旌



旒

有虞氏綏以旄牛尾注于竿首無轡旒其竿木本色武
王右秉白旄以麾其色亦白矣或曰虞旄同夏尚黑殷
旄白云武王未改服色仍殷禮

夏后氏綢練之以帛韜杠設緇廣充幅長八尺曰旄加
鈴于旄曰旂檀弓云綢練設旄夏也

殷崇牙湯以武興于旄旁刻繒如鋸齒為崇牙即旄郭
璞所謂帛續旄末為燕尾者是也杠旄皆白故曰大白
從殷止色無飾其杠仍練綢之周壁翬以采羽注下加

壁懸翬墜之其旄鈴則飾杠首而不注下所謂以旄牛
尾為之綴於幢上周蓋兼三代損益也大赤即通帛白
檀蓋杠旒旒旒皆纁故曰大赤從周正色無飾春秋傳
績茂旄旌是也其旒各隨命數亦曰旒爾雅因章曰旒
謂杠同旗色也故杠亦可名旒孟子招虞人以皮冠庶
人以旒士以旂大夫以旌蓋旒則帷杠旒則建旄鈴旌
則又加析羽矣傳曰亡大旒之左旒說文旒旗曲柄也
從于丹聲所以旒表士衆猶言甄也覲禮天子乘龍載

大旂日月升龍降龍穆天子傳曰天子葬盛姬建日月
七星曲禮招搖在上則畫日月北斗於交龍轡上矣飾
以組維以纓詩素絲紃之組之祝之則邊皆飾組以纓
維之矣其屬于枉亦然以竹為弓而衣之橫以縹首以
張幅曰弧韜旂亦有之考工記弧旌枉矢以象弧也妖
星有枉矢蛇竹有毛目蒼黑長數尺蓋指旌之垂動也
凡旗文事則建旐武事則建旌通名曰綏其旌則俱有
而旂則加鈴焉爾雅注旌首曰旌有鈴曰旂舊圖旂首

為金龍頭唐志云銜結綬及鈴綬

士喪禮為銘各以其物亡則以緇長半幅經末長終幅
廣三寸書銘于末則緇上緇下纁矣故云雜帛曰物射
禮無物則以白羽與朱羽操杠長三仞以鴻脰韜上二
尋則韜杠用鳥革爾雅錯革鳥曰旗先儒但知鳥隼為
旗而不知亦因之得名故誤釋

按詩彼旗旒斯胡不旒旒又曰織文鳥章白旒央央旂
旒央央悠悠旒旌則旗旂旗旒之旒皆白兵事舉同者

言故止曰旆春秋傳晉人馬還楚甚之以拔旆投衡
又曰辛未治兵建而不旆壬申復旆之是也

繡染五采全羽為之象夏秋色道車建之周禮縫人衣
翬柳之材則壁有孔所以懸其繩翬則為其輕颺而下
墜者鄭氏謂畫繒為翬戴以壁垂五采羽于其下恐非
喪大記翬皆戴圭乃自飾翬言與此不同

旌旂五采羽為之一曰大麾旂車建之田獵天子殺則
下大綏諸侯殺則下小綏則其數亦有差等射則服不

氏以旌居之而待獲

爾雅素錦綢杠纁帛繆素陞龍于繆練旒九飾以組維

以鏤

此言文事

緇廣充幅長尋曰旒繼旒曰旒

此言武事

注旒首

曰旒有鈴曰旒錯革鳥曰旗因章曰旂

以上四者別文武旗杠名

司

常掌九旗之物名各有屬以待國事日月為常交龍為

旂通帛為旌雜白為物熊虎為旗鳥隼為旗龜蛇為旒

全羽為旒折羽為旌及國之大閱贊司馬頒旗物王建

大常諸侯建旂孤卿建旌大夫士建物師都建旗州里

建旗縣鄙建旒道車載旒旒車載旌皆畫其象馬官府
各象其事州里各象其名家各象其號凡祭祀各建其
旗會同賓客亦如之凡軍事建旌旗及致民置旗槩之
甸亦如之凡射共獲旌蓋天子諸侯皆素錦韜扛弧韞
旒旒鈴纁帛繆練旒皆同但諸侯有降龍無升龍公建
常九旒侯伯七旒子男五旒為等耳旂亦可名常凡此
皆因夏制而損益之也孤卿建旌以纁帛韜扛其繆旒
亦纁但變旒為崇牙色纁不白耳大夫士建物則以鴻

脰韜枉崇牙雖白而繆雜矣師都三等采地也州里六

鄉也縣鄙六遂也三者自王畿遠近言則盡乎人矣旗

旒旒崇牙之旂各隨命數凡此皆因殷制而損益之也

曲禮前朱雀後玄武左青龍右白虎招搖在上即考工

記龍旂九旂以象大火也蒼龍宿之心其鳥旗七旂以

象鶉火也朱鳥宿之鳥其熊旗六旂以象伐也伐屬白

參連體龜蛇四旂以象宮室也玄武宿與東壁孤旂枉

矢以象弧也蓋言天子之行象方數耳非論旗次旂數


也道車文事也建全羽旄而有鈴旂車武事也建折羽旌而無鈴其杠皆建旄所謂羽毛之美傳稱晉人假羽旄于鄭明日旆之詩稱子子干旄干旗干旌是也凡此皆因虞制而損益之也博雅云天子杠九旂諸侯七旂大夫五旂士三旂天子十二旂至地諸侯九旂至軫卿大夫七旂至較士三旂至肩按大常使人維之則曳地可知矣楚令尹為王旌以田竿尹無宇斷之齊樂高伐虎門公卜使王黑以靈姑鉅率吉請斷三尺焉而用之

則綏旗上下長短可知矣然論杠大長非車所能建參
之人情不通其九旗以上文為次隨事序而用之故司
馬治兵師都載彊以下與此不同云

徒



總
髻
即
幘
巾
也



士冠禮緇纁廣終幅長六尺後世謂之慘頭即今之包
紗所以斂髮束于頂上為髻見詩內則居喪始死則以
麻代之括髮衰殺則以麻布為之死則不用士喪禮髮
會用組是也亦不同總總以緇繒為之所以韜髻然後
笄童子則但以錦束髮曰總角不笄也有緇無總故曰
男女未冠笄者止云櫛緇婦人不冠但總笄故其制稍
長檀弓云笄長尺總八寸喪服云總六升長六寸箭笄
長尺是也男子喪則以麻布為之以別不冠故曰免後

世名幘卑賤不冠執事者所服方言云路頭陌頭也

音陌

紗績鬢帶

先位反

髮帶

音策幣

幘

於怯反

幘頭也自關以西

秦晉之郊曰絡頭南楚江湘之間曰陌頭自河以北趙

魏之間曰幘頭或謂之幣或謂之幘其遍者謂之鬢帶

或謂之髮帶

髮亦結也


覆結謂之幘巾或謂之承露或謂之

覆髮


今結籠

皆趙魏之間通語也

緇布冠




頰




傳曰人之有元百骸統焉古之制字者知其所以然是故能固其元為完具之完殘其所固為冠賊之冠加法度焉為冠冕之冠士喪禮缺項青組纓屬于缺鄭氏曰項讀如有頰者弁之頰緇布冠無筭著頰圍髮際結項中隅為四綴以固冠也項中有絛亦由固頰為之今未冠筭者著卷幘頰象之所生也按鄭氏此說是矣但缺項謂至項而缺不合兩頭以青組纓連屬之少離去為二組既著則以纓各貫組結于項而已不加縷而垂于

前也隅為四綴則連冠于缺項者也武本此制

夏
母
追




殷章甫




周委兒即

玄冠



有虞氏皇




母追即變緇布冠去缺項為武而有綏者也鄭司農作
牟古母牟通用如敦牟之牟追如追師之追班固云欲
從登敦而度高乎太山爾雅敦丘如覆敦孔子曰古之
王者有務而徇領者矣尚書傳作冒而句領淮南子作
鑿而縈領下云豈必褒衣博帶句襟委章甫哉則鑿以
言山故從土務牟冒鑿一字也如牟而堆起所謂有覆
杯之狀是也漢志云長七寸高四寸制如覆杯前高廣
後卑銳按古人髻在後當云後高廣前卑銳

章甫爾雅上正章丘之章甫方也平正而四方對牟堆而言舊以為章明丈夫非也甫字亦象形後世以為進賢冠制莊子曰原憲華冠縱履又曰宋鉏尹文聞其風而悅之作為華山之冠以自表注華山上下均平是也委即委武也鄭氏謂秦人曰委齊東曰武是也兒古○象形以委為兒則武高矣惟喪冠則條屬故曰厭冠言其低也古者冠布齊則緇之大白冠緇布冠不韡委武玄縞而後韡則古者日用以白布為冠所謂素冠也齊


則以陰幽思故緇之所謂緇布冠也然皆缺項結之不綏後世以緇為素冠以繒為玄冠加委武于下燕居則但屬于後有事則綏而垂于前始不用缺項矣然上直下橫象乾坤之意猶在至周尚文其冠之縫亦如弁王冕旒各隨命數尊者縫多布直不能為故橫縫惟喪冠則無等縫少而仍直始失其制矣孟子云許子奚冠曰冠素則緇冠乃無爵者所常服大夫士又因入朝而玄冠云凡冠邊皆有緣

陳氏曰掌次之皇邸樂師之皇舞皆以鳳凰之羽為之則皇畫羽飾可知矣按古者衣獸皮毛則以鳥皮為冠以獸皮為衣春秋猶有鷩冠逸禮記曰知天文者冠鷩冠後訛為術氏冠其制非畫羽也莊子曰冠圓冠者知天時是也輿服志曰上古穴居而野處衣毛而冒皮後世聖人觀翬翟之文榮華之色乃染帛以效之成以為服見鳥獸有冠角頷胡之制遂作冠冕纓黹凡十二章至周九章秦滅去禮學郊祀之服皆以衮玄衮紺繒也

夏收




殷呬



禮圖有此制
不知名何按
此正殷呬孔
子所載後失
其制訛為右
不知即變收
而不縫頂耳
莊子所謂冠
枝木之冠指
此

周弁




周弁有五天文
弁星亦中穹而
兩端直如筭釋
名曰弁如兩手
相合拊持也以
爵韋為之謂之
爵弁以鹿皮為
之謂之皮弁

收收斂其上而小不同于冠也鄭氏謂所以收斂髮非也蓋弁尊于冠非常服者哱從胃省從吁語之舒也哱亦訓人意變而大其上也王制以皇收哱對冕言皆以緇布為之歟弁師王之皮弁會五采玉璫象邸玉笄王之弁經弁而加環經司服凡兵事韋弁服眡朝則皮弁服凡甸冠弁服凡凶事服弁服凡弔事弁經服蓋周兼二代之制以去毛之皮為之曰韋弁染其色黃赤如雀曰爵弁書作雀弁其次蒼艾色曰暴弁詩作騏弁又其

次以有毛白鹿皮為之曰皮弁鄭氏曰會縫中也璆結也說文璆弁飾行行冒玉也冒如冒地而出之冒凡弁上合皮為直縫天子十二皮則十二縫每縫貫結五采玉十二以為飾謂之璆上公以下各以其等為之其璆如旒數冕則遠而垂前後弁則近而飾于上也詩所謂會弁如星是也註見冕邸抵也其下橫縫則以象齒為條而飾之惟韋弁與皮弁同春秋傳楚子玉自為瓊弁玉纓是也皮弁無玉飾差小加環紆曰弁紆夏收之變

也不收其上曰冠弁殷啍之變也一曰皮冠孟子招虞人以皮冠春秋衛獻公射鴻于圃二子從之不釋皮冠而與之言是也喪則各依升數布為之曰服弁始用布為之惟弁經去經不去經亦名皮弁小記云諸侯弔必皮弁錫衰言有經者也特牲曰皮弁素服而祭素服以送終也士冠禮郊特牲三王共皮弁素積皆指無經者也

冕



說文冕大夫以上冠也從同免聲黃帝初作冕徐云後
仰前俯主于恭也按冕即總也冒冕故曰冕非取悅也
弁師掌王之五冕皆玄冕采裏延紐五采繅十有二就
皆五采玉有十二玉笄朱紃諸侯當為公之繅旂九就璫
玉三采其餘如王之事繅旂皆就玉璫玉笄又云諸侯
孤卿大夫之冕韋弁皮弁弁經各以其等為之註曰冕
服有六而言五冕者蓋大喪之冕無旒不聯數也延冕
也覆在上是以名焉紐小鼻在武上笄所貫也今時冠

卷當簪者廣袤以冠縱其舊象與縹雜文之名也合五
采絲為之繩垂于延之前後各十二所謂遽延也就成
也繩每一匝而貫五采玉十二旂則十二玉也每就間
蓋一寸朱紘以朱組為紘也紘一條屬兩端于武縹不
言皆有不皆者此為袞衣之冕十二旂則用玉二百八
十八驚衣之冕縹九旂用玉二百一十六毳衣之冕七
旂用玉百六十八希衣之冕五旂用玉百二十玄衣之
冕三旂用玉七十二侯當為公字之誤也三采朱白蒼

也其餘謂延紐皆玄覆朱袞與王同也出此則異纁旂
皆就皆三采也每纁九成則九旒也公之冕用玉百六
十二侯伯纁七就用玉九十八子男纁五就用玉五十
纁玉皆三采孤纁四就用玉三十二三命之卿纁三就
用玉十八再命之大夫纁再成用玉八纁玉皆朱綠韋
弁皮弁則侯伯璆飾也子男璆飾五玉亦三采孤則璆
飾四三命之卿璆飾三再命之大夫璆飾二玉亦二采
按郊特牲載冕璆十有二旒則天數也則天子前後無

二十四旒之理禮器云天子之冕朱綠藻十有二旒諸侯九上大夫也下大夫五士三則自古旒制至三而止無二旒者弁合二皮二縫決不可成則弁制亦至三而止但殷皐合皮六片為之則古制無等差可知矣經言各以其等為之亦槩言蓋以三十升麻布上玄下朱裏冕板以采絲合為繩貫玉為旒水流趨下旗冕之垂者如之故曰旒取其文曰藻或作縹以絲為之也或作瑱以玉貫之也謂之繁露言其形也合而成條曰就結而

分斷曰就就猶成也采色一成謂之就是也天子以五采繅貫青赤黃白黑玉十二每玉相去一寸疏長尺二寸前後各六諸侯繅璿玉皆朱白蒼蒼朱兼赤黃蒼兼青黑上公九玉九旒長九寸前五後四侯伯七玉七旒長七寸前四後三子男三玉三旒長三寸前二後一天子之公卿大夫士視五等諸侯各下其君一等在外卿大夫其玉各依命數然一命再命者皆旒三長三寸但玉則或一或二耳其弁縫玉同此惟士無冕而有弁其

制亦合三片皮為之但無玉璫耳

紘纓色說

記言籍田天子冕而朱紘諸侯冕而青紘以管仲朱紘為濫士冠禮皮弁爵弁笄緇組紘纁邊玉藻云玄冠朱組纓天子之冠也緇布冠纁纁諸侯之冠也玄冠丹組纓諸侯之齊冠也玄冠綦組纓士之齊冠也互考之則天子纓紘皆朱諸侯纓紘皆丹大夫纓紘皆緇士纓紘皆綦其織之兩邊綦者緇邊緇者纁邊丹者朱邊朱者


玄邊歟其青素黃赤上下通用也爾雅一染謂之緇再染謂之頰五染謂之纁青謂之蔥黑謂之黥斧謂之黼考工記鍾氏染羽以朱湛丹秫三月而熾之淳而漬之三八為纁五入為緇七入為緇一染為緇赤黃色也又名靺以一命緇靺故曰士爵韋雀色黃而微赤非謂頭也馬赤黃曰駢齊則爵韋戎則靺韋又曰士佩璫玟而緇組綬再染為頰大赤也詩魴魚頰尾再命赤靺是也又名絳又名雋三染為纁黃朱色所謂丹也又

彤也詩朱芾斯皇諸侯黃朱芾是也然與頰相亂故大
夫玄頰即玄纁鄭氏曰四入為朱謂得宜則鮮明詩我
朱孔揚毛氏曰深纁也天子純朱芾是也若入而過度
則微黑為紺矣先儒謂入赤汁則為朱入黑汁則為紺
更以此紺入黑則為緌按孔子不以紺緌飾即管仲之
丹朱黼領猶言紫之奪朱也淮南子曰染紺以涅則黑
于涅涅即黑汁也孔氏謂一入曰緌則紺尚染以赤汁
而緌始染黑汁矣說文謂紺深青揚赤色非緌一入赤

多黑少再入黑汁則為玄鄭氏謂六入是也黑多赤少如燕故燕謂之玄烏蟻謂之玄駒七入為緇則純黑矣然與玄相亂故緇衣名玄端考工記東方謂之青南方謂之赤西方謂之白北方謂之黑天謂之玄地謂之黃青與白相次也赤與黑相次也玄與黃相次也青與赤謂之文赤與白謂之章白與黑謂之黼黑與青謂之黻五采備謂之繡爾雅青謂之蔥東方正色如蔥也黑謂之黝北方正色暗也青白相次則為碧深縹色赤黑相


次則為皂深緞色玄黃相次則為鵲鳥之黃黑為鵲是也青赤之文即紫色與紺亂赤白之章紅也淺絳色白黑之黼蒼艾色綦也馬淺黑為駟所謂陰白也黑青之黻蒼也深青色馬青驪曰駟淺則為黔五采備為繡即續也惟天玄色尊與地配而四方之色不能雜又白黃為緡青黃為綠不言云

大裘冕



大裘而冕無繁露書稱康王麻冕黻裳卿士邦君麻冕
蟻裳太保太史太宗皆麻冕彤裳孔子曰今也純儉則
不以麻為之惟郊用麻云王會篇天子南面立纔無繁
露朝服八十物措珽唐叔荀叔周公在左太公望在右
皆纔亦無繁露朝服七十物措笏旁天子而立于堂上
堂下之右唐公虞公南面立焉堂下之左殷公夏公焉
皆南面纔露朝服五十物皆措笏則為壇朝亦無繁露
矣豈以祭天地山川而仍具服歟

紬
填



國語王后親織玄紵齊詩充耳以素以青以黃則純之色亦同前說矣天子諸侯皆玉瑱詩充耳琇瑩即琇玉類也大夫以下以瓊謂石也喪則以角楚語靈王虐白公子張驟諫王病之曰子復語不穀雖不能用吾愁置之耳對曰賴君之用也故言不然巴浦之犀犛兕象其可畫乎其又以規為瑱也則又用角犀象矣

三禮圖卷二